

অধিদপ্তর/ দপ্তরের নাম: যুব উন্নয়ন অধিদপ্তর  
মন্ত্রণালয়/বিভাগের নাম: যুব ও ক্রীড়া মন্ত্রণালয়

১। অফিস পোফাইল

ক) একনজরে অফিস

প্রতিষ্ঠানের নাম	বাংলা	যুব উন্নয়ন অধিদপ্তর		
	ইংরেজি	Department Of Youth Devevelopment		
	সংক্ষিপ্ত	DYD		
অফিস প্রধানের পদবি	মহাপরিচালক	নিয়ন্ত্রণকারী মন্ত্রণালয়/বিভাগ	যুব ও ক্রীড়া মন্ত্রণালয়	
অফিসের সংখ্যা	মোট ৬৪টি জেলা অফিস ৪৯৭ টি (১০টি মেট্রোপলিটন থানা ইউনিট সহ) উপজেলা অফিস			
জনবল	৫৩৬৫			
অফিসের ঠিকানা	প্রধান কার্যালয়- মহাপরিচালকের কার্যালয়, ১০৮ মতিঝিল বা/এ, ঢাকা। অন্যান্য অফিস জেলা ও উপজেলা পর্যায়ে অবস্থিত।			
যোগাযোগ (ই-মেইল, ফোন, ফ্যাক্স)	ফোন : +৮৮ ০২ ৯৭৭৯৩৩৯ ফ্যাক্স- +৮৮ ০২ ৯৭৮৭৫০০ ই-মেইল- dydydha@gmail.com			
যাতায়াতের বর্ণনা	প্রধান কার্যালয় -১০৮, মতিঝিল, ঢাকা এবং জেলা ও উপজেলা পর্যায়ে অফিস অবস্থিত			

খ) অফিসের ভিশন ও মিশন : ১. ভিশনঃ বাংলাদেশের উন্নয়ন ও গৌরব বৃদ্ধিতে সক্ষম, নৈতিক ও মানবিক মূল্যবোধসম্পন্ন আধুনিক জীবন মনস্ক যুব সমাজ।

২. মিশনঃ জীবনের সর্বক্ষেত্রে যুবদের প্রতিষ্ঠার লক্ষ্যে তাদের প্রতিভার বিকাশ ও ক্ষমতায়ন নিশ্চিত করা।

গ) অফিসের পরিচিতি ও ছবি (অনধিক ২০০ শব্দ)

যুবসমাজ যে কোন দেশের মূল্যবান সম্পদ। জাতীয় উন্নয়ন অগ্রগতি যুবসমাজের সক্রিয় অংশগ্রহণের ওপর অনেকাংশেই নির্ভরশীল। যুবসমাজের মেধা, সৃজনশীলতা, সাহস ও প্রতিভাকে কেন্দ্র করেই গড়ে উঠে একটি জাতির অর্থনৈতিক, সামাজিক ও সাংস্কৃতিক পরিমন্ডল। পৃথিবীর অন্যান্য দেশের মতো বাংলাদেশেও যুবসমাজ জাতির ভবিষ্যৎ কর্ণধার ও নীতিনির্ধারক। জনসংখ্যার সবচেয়ে প্রতিশ্রুতিশীল ও উৎপাদনমুখী অংশ হচ্ছে যুবগোষ্ঠী। দেশের অসংগঠিত, কর্মপ্রত্যাশী এই যুবগোষ্ঠীকে সুসংগঠিত, সুশৃঙ্খল এবং দক্ষ মানবসম্পদে পরিণত করার মাধ্যমে উৎপাদনমুখী শক্তিতে রূপান্তরের লক্ষ্যে যুব ও ক্রীড়া মন্ত্রণালয়ধীন যুব উন্নয়ন অধিদপ্তর নিরলস প্রচেষ্টা চালিয়ে যাচ্ছে। জাতীয় যুবনীতি অনুসারে বাংলাদেশের ১৮-৩৫ বছর বয়সি জনগোষ্ঠীকে যুব হিসাবে অভিহিত করা হয়। এ বয়সসীমার জনসংখ্যা দেশের মোট জনসংখ্যার প্রায় এক-তৃতীয়াংশ, যা আনুমানিক প্রায় ৫ কোটি। জনমিতিক এ লভ্যাংশকে দেশের কাঙ্ক্ষিত উন্নয়ন তথা রূপকল্প ২০২১ ও ২০৪১ এবং ডেলটা পরিকল্পনা বাস্তবায়নে সঠিক ও যথাযথভাবে সম্পৃক্তকরণ বিশেষ গুরুত্বপূর্ণ। শ্রমশক্তির যোগান ও সংখ্যার বিবেচনায়ও আমাদের দেশের উন্নয়নের জন্য যুবসমাজের সম্পৃক্ততা অত্যন্ত গুরুত্বপূর্ণ।

সুতরাং দেশের জনসংখ্যার সম্ভাবনাময়, আত্মপ্রত্যয়ী, সৃজনশীল ও উৎপাদনক্ষম এ অংশকে জাতীয় উন্নয়নের মূল ধারায় অবদান রাখার জন্য তাদের মাঝে গঠনমূলক মানসিকতা ও দায়িত্ববোধ জাগ্রত করে সুশৃঙ্খল কর্মীবাহিনী হিসেবে দেশের আর্থ-সামাজিক কর্মকাণ্ডে নিয়োজিত করার অনুকূল ক্ষেত্র তৈরির উদ্দেশ্যে যুব উন্নয়ন অধিদপ্তর প্রতিষ্ঠালগ্ন থেকেই বাস্তবভিত্তিক কর্মসূচি গ্রহণ ও বাস্তবায়ন করে আসছে।

বেকার যুবদের উন্নয়নের মূল ধারায় সম্পৃক্ত করে দেশ গঠনে তাদের অংশগ্রহণ বাড়াতে এবং ক্ষমতায়নের লক্ষ্যে যুগোপযোগী প্রশিক্ষণ প্রদানের মাধ্যমে দক্ষ মানবসম্পদে রূপান্তর করা হয় এবং প্রশিক্ষণ পরবর্তী আত্মকর্মসংস্থানমূলক প্রকল্প গ্রহণকারীদের মাঝে ঋণ প্রদান করা হয়।




এছাড়া কমিউনিটি উন্নয়নে যুবদের সম্পৃক্ত করার জন্য যুবসংগঠন তৈরি, যুবসংগঠনের মাধ্যমে কমিউনিটি উন্নয়নমূলক কার্যক্রম বাস্তবায়নের ব্যবস্থায় যুব সংগঠন রেজিস্ট্রেশন প্রদান করা এবং ভাল কাজের জন্য অনুদান প্রদান করা হয়। ন্যাশনাল সার্ভিস কর্মসূচি বাস্তবায়নের মাধ্যমে উচ্চ মাধ্যমিক পাশ বেকার যুবদের দক্ষতাবৃদ্ধিমূলক প্রশিক্ষণের পর ২ বছরের জন্য নির্ধারিত বেতনভিত্তিক অস্থায়ী কর্মসংস্থান দেয়া হচ্ছে। কর্মসংস্থান শেষে তাদের বেতন হতে সঞ্চিত পঞ্চাশ হাজার টাকা নগদ দেয়া হচ্ছে, যাতে করে তারা প্রশিক্ষণলব্ধ জ্ঞান কাজে লাগিয়ে একটি আত্মকর্মসংস্থানমূলক আয়বর্ধক কাজ হাতে নিতে পারে। যুব উন্নয়ন অধিদপ্তরের প্রচেষ্টায় ইতোমধ্যে প্রায় ৫৬.৬৬ লক্ষ যুব প্রশিক্ষণ গ্রহণ করেছেন, যাদের অনেকেই দেশে ও বিদেশে সম্মানজনক সামাজিক অবস্থান করে নিতে সক্ষমতা অর্জন করেছেন।

কর্মপ্রত্যাশী অনুৎপাদনশীল যুবসমাজকে সুসংগঠিত, সুশৃঙ্খল ও উৎপাদনমুখী শক্তিতে রূপান্তরের লক্ষ্যে গণপ্রজাতন্ত্রী বাংলাদেশ সরকার ১৯৭৮ সালে যুব উন্নয়ন মন্ত্রণালয় সৃষ্টি করে, যা পরবর্তীতে যুব ও ক্রীড়া মন্ত্রণালয় হিসেবে পুনঃনামকরণ করা হয়। মাঠ পর্যায়ে যুব ও ক্রীড়া মন্ত্রণালয়ের কার্যক্রম বাস্তবায়নের জন্য ১৯৮১ সালে যুব উন্নয়ন অধিদপ্তর সৃষ্টি করা হয়।

১.৩ অধিদপ্তরের - অর্গানোগ্রাম

যুব উন্নয়ন অধিদপ্তর জনবল:০৪  
 যুব ও ক্রীড়া মন্ত্রণালয় মহাপরিচালক  
 সাংগঠনিক কাঠামো সচিবালয়  
 ড্রাইভার  
 অফিস সহায়ক

মহাপরিচালক ০১২০



৩